



ԵՐԵՎԱՆԻ ՔԱՂԱՔԱՊԵՏԱՐԱՆ

ՈՐՈՇՈՒՄ N° ՈԲ - 045

«ՎԱՐՉԱԿԱՆ ՏՈՒՅԺ ՆՇԱՆԱԿԵԼՈՒ ՄԱՍԻՆ»

ք. Երևան

«10» Հոկտեմբերի 2023թ.

1. Վարչական իրավախախտման վերաբերյալ գործի նկարագրությունը.

Երևան քաղաքի Կենտրոն վարչական շրջանի ղեկավարի աշխատակազմի աշխատակից Ա. Մելիքյանի կողմից 31.08.2023 թվականին հայտնաբերվել է Վարչական իրավախախտումների վերաբերյալ օրենսգրքի (այսուհետ՝ Օրենսգիրք) 162-րդ, հոդվածի 2-րդ մասով նախատեսված վարչական իրավախախտում, մասնավորապես՝ քաղաքացի Գոհար Արտեմի Կարապետյանի նկատմամբ «Վարչական տույժ նշանակելու մասին» 14.03.2023 թվականի Վ-10/42, 28.03.2023 թվականի հ. Վ-12/36, 04.04.2023 թվականի հ. Վ-13/24, 25.04.2023 թվականի հ. Վ-16/59, 10.05.2023 թվականի հ. Վ-18/56, 23.05.2023 թվականի հ. Վ-20/51 որոշումներով տուգանք նշանակվելուց հետո, մեկ տարվա ընթացքում քաղաքացի Գոհար Արտեմի Կարապետյանի կողմից Երևան քաղաքի Մաշտոցի պողոտայի հ. 5 հասցեում՝ «Գրանդ քենդի» խանութի դիմաց, ոչ սահմանված տեղում, կրկին իրականացվել է արևտուր, որի վերաբերյալ 31.08.2023 թվականին կազմվել է թիվ ԲԱ-000168 վարչական իրավախախտման վերաբերյալ արձանագրությունը (այսուհետ՝ Արձանագրություն):

Արձանագրության կազմման ժամանակ ղեկավարվելով Վարչական իրավախախտումների վերաբերյալ օրենսգրքի 162-րդ, 310-րդ, «Երևան քաղաքում տեղական ինքնակառավարման մասին» օրենքի 60-րդ, հոդվածներով, ինչպես նաև Երևանի քաղաքապետի 11.08.2022 թվականի թիվ 2972-Ա և 26.05.2023 թվականի 1227-Ա որոշումներով կատարվել է առգրավում: Մասնավորապես՝ առգրավվել են 10 տարրա ազնվամորի 11.2 կգ, 1 արկղ տանձ 9.4 կգ, 3 արկղ խաղող 14.1 կգ, 2 արկղ լոլիկ 24.4 կգ, 4 արկղ դեղձ 37.7 կգ, 5 տարրա մոշ 7.2 կգ:

Քննարկվող առգրավման գործընթացը տեսանկարահանվել և լուսանկարահանվել է համապատասխան գործողությունն իրականացնող աշխատակիցների կողմից:

Հայտնաբերված իրավախախտման փաստով Երևանի քաղաքապետարանի նախաձեռնությամբ հարուցվել է վարչական վարույթ: Հարուցված վարչական վարույթի շրջանակներում գործի քննությունը նշանակվել է 10.10.2023 թվականին:

2. Գործի լուծման համար էական նշանակություն ունեցող ապացույցները.

Վարչական վարույթի նյութերում առկա են և որպես մեկ համակցություն, հետազոտվել են՝

1. Արձանագրությունը,

2. 31.08.2023 թվականին կազմված թիվ ԲԱ-000168 արձանագրությամբ առգրավվող վարչական իրավախախտում կատարելու գործիք կամ անմիջական օբյեկտ հանդիսացող առարկայի թիվ Ն-000168 նույնականացման թերթիկը,

3. վարչական իրավախախտման դեպքի հայտնաբերման պահին կատարված լուսանկարները,

4. վարչական իրավախախտման դեպքի հայտնաբերման պահին կատարված տեսագրությունը,

5. արձանագրությունը գործը քննող ստորաբաժանմանը փոխանցելու փաստը հիմնավորող գրությունը,

6. 31.08.2023 թվականի «Բացատրագիր» վերտառությամբ գրությունը,

7. արձանագրության օրինակը վարչական իրավախախտում կատարած անձին ուղարկելու փաստը հավաստող փոստային անդորրագիրը,

8. Վարույթի մասնակցին ուղղված ծանուցագրերը,

9. Վարույթի մասնակցին ուղղված ծանուցագրերի առաքման փաստը հավաստող փոստային անդորրագրերը,

10. ինտերնետով ծանուցումների կայքի քաղվածքները,

11. Վարչական իրավախախտման վերաբերյալ 14.03.2023 թվականի Վ-10/42, 28.03.2023 թվականի հ. Վ-12/36, 04.04.2023 թվականի հ. Վ-13/24, 25.04.2023 թվականի հ. Վ-16/59, 10.05.2023 թվականի հ. Վ-18/56, 23.05.2023 թվականի հ. Վ-20/51, 04.07.2023 թվականի հ. Վ-26/101 գործերը:

3. Գործի քննության ընթացքում պարզման ենթակա հանգամանքներ.

(ա) վարչական իրավախախտում կատարված լինելու փաստը, (բ) անձի մեղավորությունը վարչական իրավախախտման կատարման մեջ, (գ) անձի՝ վարչական պատասխանատվության ենթակա լինելը, (դ) պատասխանատվությունը մեղմացնող կամ ծանրացնող հանգամանքների առկայությունը, (ե) վարչական իրավախախտման հետևանքով գույքային վնաս պատճառված լինելը, (զ) գործի ճիշտ լուծման համար նշանակություն ունեցող այլ հանգամանքներ:

3.1 Վարչական իրավախախտում կատարված լինելու փաստը. «Առևտրի և ծառայությունների մասին» օրենքի 2-րդ հոդվածի համաձայն՝ առևտրի իրականացման վայրը՝ առևտրի իրականացման վայրի կազմակերպչի կողմից որպես մեկ ամբողջություն տիրապետվող և կառավարվող՝ առանձնացված, կառուցապատված և կահավորված, երկու և ավելի վաճառատեղ ունեցող տարածք է, որտեղ կարող են նախատեսվել նաև հանրային սննդի և այլ ծառայությունների համար տարածքներ:

Նույն օրենքի 3-րդ հոդվածի համաձայն՝ առևտրի օբյեկտների տեսակներն են՝ խանութները, կրպակները, հեղուկ վառելիքի, սեղմված բնական կամ հեղուկացված նավթային կամ ածխաջրածնային գազերի մանրածախ առևտրի կետերը:

Առևտրի իրականացման վայրի տեսակներն են՝ առևտրի կենտրոնները, սպառողական ապրանքների շուկաները, գյուղատնտեսական արտադրանքի շուկաները, ավտոտրանսպորտային միջոցների շուկաները, կենդանիների շուկաները, տոնավաճառները (վերնիսաժները) և ցուցահանդես-վաճառքի անցկացման վայրերը:

Վարչական իրավախախտումների վերաբերյալ օրենսգրքի 162-րդ հոդվածի 1-ին մասի համաձայն՝ ոչ սահմանված տեղերում կամ օրենսդրությամբ սահմանված պահանջների խախտմամբ առևտուր իրականացնելը կամ ծառայություն մատուցելը՝ առաջացնում է տուգանքի նշանակում՝ սահմանված նվազագույն աշխատավարձի յոթանասունապատիկից մինչև հարյուրապատիկի չափով՝ առևտրի կամ ծառայությունների մատուցման ընթացքում

օգտագործվող և իրավախախտում կատարած անձին կամ երրորդ անձին սեփականության իրավունքով պատկանող առարկաների բռնագրավմամբ կամ առանց դրա:

Վարչական իրավախախտումների վերաբերյալ օրենսգրքի 162-րդ հոդվածի 2-րդ մասի համաձայն՝ սույն հոդվածի 1-ին մասով նախատեսված արարքը վարչական տույժի նշանակման օրվանից հետո՝ մեկ տարվա ընթացքում, կրկին կատարելը՝ առաջացնում է տուգանքի նշանակում՝ սահմանված նվազագույն աշխատավարձի երկուհարյուրապատիկի չափով՝ առևտրի կամ ծառայությունների մատուցման ընթացքում օգտագործվող և իրավախախտում կատարած անձին կամ երրորդ անձին սեփականության իրավունքով պատկանող առարկաների բռնագրավմամբ:

Վերոգրյալ իրավանորմերի համակարգային վերլուծությունից բխում է, որ առևտրային գործունեությունը պետք է կազմակերպվի առևտրի օբյեկտի տարածքում, իսկ այն դեպքում, երբ համապատասխան գործունեությունը դրսևորվում է սահմանված տարածքից դուրս, և կրկնակի անգամ, ապա առկա է Վարչական իրավախախտումների վերաբերյալ օրենսգրքի 162-րդ հոդվածի 2-րդ մասով նախատեսված զանցանքի օբյեկտիվ կողմի դրևորումը:

Տվյալ դեպքում քաղաքացի Գոհար Արտեմի Կարապետյանի կողմից Վարչական իրավախախտումների վերաբերյալ օրենսգրքի 162-րդ հոդվածի 1-ին մասով նախատեսված արարքը կատարվել է «Վարչական տույժ նշանակելու մասին» 14.03.2023 թվականի Վ-10/42, 28.03.2023 թվականի հ. Վ-12/36, 04.04.2023 թվականի հ. Վ-13/24, 25.04.2023 թվականի հ. Վ-16/59, 10.05.2023 թվականի հ. Վ-18/56, 23.05.2023 թվականի հ. Վ-20/51 որոշումներով տուգանքներ նշանակվելուց հետո, հետևապես առկա է Վարչական իրավախախտումների վերաբերյալ օրենսգրքի 162-րդ հոդվածի 2-րդ մասով նախատեսված զանցանքի օբյեկտիվ կողմի դրևորումը:

Օբյեկտիվ կողմի առկայության փաստը հաստատվում է վարույթի նյութերում առկա տեսագրության, լուսանկարների, արձանագրության, նույնականացման թերթիկի, «Բացատրագիր» վերտառությամբ նյութի համակարգային ուսումնասիրմամբ, ինչպես նաև առերևույթ առգրավված ապրանքի առկայությամբ, քանզի եթե չլիներ իրավախախտման դեպք չէր կարող առգրավվել ոչ սահմանված վայրում իրացվող ապրանքը:

3.2 անձի մեղավորությունը վարչական իրավախախտման կատարման մեջ, Ոչ սահմանված վայրում իրացվող ապրանքը գտնվել է Երևան քաղաքի Մաշտոցի պողոտայի հ. 5 հասցեում՝ «Գրանդ քենդի» խանութի դիմաց: Ապրանքների իրացումը քաղաքացի Գոհար Արտեմի Կարապետյանի կողմից իրացված լինելու մասին են վկայում արձանագրությունը, նույնականացման թերթիկը, տեսագրությունը, լուսանկարները, «Բացատրագիր» վերտառությամբ նյութը, ինչպես նաև առերևույթ առգրավված ապրանքի առկայությունը, քանի որ եթե չլիներ իրավախախտման դեպք չէր կարող առգրավվել ոչ սահմանված վայրում իրացվող ապրանքը:

Նման պայմաններում վերոգրյալ ապացույցների մեկ համադրության մեջ ուսումնասիրության արդյունքում փաստվում է քաղաքացի Գոհար Արտեմի Կարապետյանի մեղքը վերջինիս մեղսագրվող արարքում:

3.3 անձի՝ վարչական պատասխանատվության ենթակա լինելը, քաղաքացի Գոհար Արտեմի Կարապետյանը՝ հանդիսանում է 16 տարին լրացած անձ, որպիսի պայմաններում վերջինս կարող է ենթարկվել վարչական պատասխանատվության, իսկ քննարկվող դեպքում

առկա չեն Օրենսգրքով սահմանված վարչական պատասխանատվությունը բացառող հանգամանքները:

3.4 պատասխանատվությունը մեղմացնող կամ ծանրացնող հանգամանքների առկայությունը. Քննարկվող դեպքում առկա չեն Օրենսգրքի 33-րդ հոդվածով նախատեսված վարչական իրավախախտման համար պատասխանատվությունը մեղմացնող հանգամանքներ:

Առկա են Օրենսգրքի 34-րդ հոդվածի 1-ին մասի 1-ին և 2-րդ կետերով նախատեսված վարչական պատասխանատվությունը ծանրացնող փաստական հանգամանքները, մասնավորապես՝ Գոհար Արտեմի Կարապետյանը շարունակել է հակաիրավական վարքագիծը, չնայած այն դադարեցնելու մասին դրա համար լիազորված անձանց պահանջին, ինչպես նաև նույն արարքի համար բազմիցս ենթարկվել է վարչական պատասխանատվության:

Մասնավորապես՝ 14.03.2023 թվականի Վ-10/42, 28.03.2023 թվականի հ. Վ-12/36, 04.04.2023 թվականի հ. Վ-13/24, 25.04.2023 թվականի հ. Վ-16/59, 10.05.2023 թվականի հ. Վ-18/56, 23.05.2023 թվականի հ. Վ-20/51, 04.07.2023 թվականի հ. Վ-26/101 որոշումներով:

3.5 Վարչական իրավախախտման հետևանքով գույքային վնաս պատճառված լինելը. Իրավախախտման պահի դրությամբ իրավախախտման հետևանքով գույքային վնաս չի առաջացել:

3.6 գործի ճիշտ լուծման համար նշանակություն ունեցող այլ հանգամանքներ. Վարչական մարմնի գործը քննելու իրավասությունը հավաստվում է Օրենսգրքի 219.1-րդ հոդվածով, Երևանի քաղաքապետի 30.05.2022 թվականի թիվ 1986-Ա, 25.07.2022 թվականի թիվ 2703-Ա որոշումներով:

Վարչական իրավախախտման վերաբերյալ գործի արձանագրությունը և մյուս նյութերը կազմվել են ՀՀ գործող օրենսդրության պահպանմամբ: Արձանագրությունը կազմվել է քաղաքացի Գոհար Արտեմի Կարապետյանի ներկայությամբ և վերջինս հրաժարվել է ստորագրել արձանագրությունը, ինչի մասին համապատասխան նշում է կատարվել արձանագրության մեջ: Գործի նյութերում ոչ վերաբերելի և ոչ թույլատրելի ապացույցներ առկա չեն:

Հարուցված վարչական վարույթի շրջանակներում գործի քննությունը նշանակվել է 10.10.2023 թվականին: Քաղաքացի Գոհար Արտեմի Կարապետյանը ծանուցված լինելով 10.10.2023 թվականին կայանալիք գործի քննության տեղի և ժամանակի մասին չի ներկայացնել գործի քննությանը, ինչպես նաև չի ներկայացրել գործի քննությունը հետաձգելու վերաբերյալ միջնորդություն, ուստի Օրենսգրքի 267-րդ հոդվածի 1-ին մասի համաձայն գործը քննվեց վերջինիս բացակայությամբ (հիմք՝ ինտերնետով ծանուցումների պաշտոնական ինտերնետային կայքի քաղվածք):

Գործի քննության ընթացքում Գոհար Արտեմի Կարապետյանի կողմից որևէ միջնորդություն չի ներկայացվել վարչական մարմնին:

Վարչական իրավախախտումը կատարվել է 31.08.2023 թվականին, ինչի մասին է վկայում վարույթի նյութերում առկա՝ արձանագրությունը, տեսագրությունը, լուսանկարները, նույնականացման թերթիկը, «Բացատրագիր» վերտառությամբ նյութը, ինչպես նաև առերևույթ առգրավված ապրանքի առկայությամբ, քանզի եթե չլիներ իրավախախտման դեպք չէր կարող 31.08.2023 թվականին առգրավվել ոչ սահմանված վայրում իրացվող ապրանքը: Նման պայմաններում լրացած չէ Գոհար Արտեմի Կարապետյանին վարչական պատասխանատվության ենթարկելու վաղեմությունը:

Վարույթի ժամկետի մասով, վարչական մարմինն արձանագրում է, որ վարչական վարույթի մյուս նյութ հանդիսացող ինտերնետով ծանուցումների կայքի քաղվածքը ձեռք է բերվել 06.10.2023 թվականին որպիսի պահից մինչև 10.10.2023 թվականը քիչ է 15 օրից:

4. Գործի քննությունն իրականացնող իրավասու պաշտոնատար անձի եզրահանգումը.

Գործի փաստական հանգամանքների և դրանում առկա բոլոր ապացույցների բազմակողմանի, լրիվ և օբյեկտիվ հետազոտման արդյունքում պարզվեց և հիմնավորվեց, որ քաղաքացի Գոհար Արտեմի Կարապետյանի նկատմամբ «Վարչական տույժ նշանակելու մասին» 14.03.2023 թվականի Վ-10/42, 28.03.2023 թվականի հ. Վ-12/36, 04.04.2023 թվականի հ. Վ-13/24, 25.04.2023 թվականի հ. Վ-16/59, 10.05.2023 թվականի հ. Վ-18/56, 23.05.2023 թվականի հ. Վ-20/51 որոշումներով տուգանքներ նշանակվելուց հետո, մեկ տարվա ընթացքում՝ 31.08.2023 թվականին քաղաքացի Գոհար Արտեմի Կարապետյանի կողմից Երևան քաղաքի Մաշտոցի պողոտայի հ. 5 հասցեում՝ «Գրանդ քենդի» խանութի դիմաց, ոչ սահմանված տեղում, կրկին իրականացվել է առևտուր, որով վերջինիս կողմից թույլ է տրվել Օրենսգրքի 162-րդ հոդվածի 2-րդ մասով նախատեսված վարչական իրավախախտում:

Հաշվի առնելով այն հանգամանքը, որ քննարկվող դեպքում առկա են վարչական իրավախախտման համար պատասխանատվությունը ծանրացնող հանգամանքներ, ուստի կիրառման ենթակա է նախատեսվող սանկցիայի առավելագույն սահմանաչափը, իսկ առգրավված ապրանքները ենթակա են բռնագրավման:

5. Վարչական ակտ ընդունելու իրավական հիմքերը.

Ելնելով վերոգրյալից և ղեկավարվելով «Վարչարարության հիմունքների և վարչական վարույթի մասին» օրենքի 2-րդ հոդվածով, 3-րդ հոդվածի 2-րդ մասով, Օրենսգրքի, 23-րդ հոդվածի 1-ին մասի 2-րդ կետով, 34-րդ հոդվածով, 162-րդ հոդվածի 1-ին մասով, 219.1-րդ, 252-րդ, 281-րդ և 282-րդ հոդվածներով, Երևանի քաղաքապետի 30.05.2022 թվականի թիվ 1986-Ա և 25.07.2022 թվականի թիվ 2703-Ա որոշումներով՝

ՈՐՈՇԵՑԻ

1. Քաղաքացի Գոհար Արտեմի Կարապետյանին Օրենսգրքի 162-րդ հոդվածի 2-րդ մասով ենթարկել վարչական պատասխանատվության՝ նշանակելով վարչական տույժ 200.000 ՀՀ դրամ գումարի չափով:

2. Իրազեկել քաղաքացի Գոհար Արտեմի Կարապետյանից առգրավված՝ են 10 տարրա ազնվամորու 11.2 կգ, 1 արկղ տանձի 9.4 կգ, 3 արկղ խաղողի 14.1 կգ, 2 արկղ լոլիկի 24.4 կգ, 4 արկղ դեղձի 37.7 կգ, 5 տարրա մոշի 7.2 կգ բռնագրավումը կիրականացվի Օրենսգրքի 310-րդ հոդվածով սահմանված կարգով:

3. Օրենսգրքի 305-րդ հոդվածի համաձայն տուգանքը պետք է վճարվի սույն որոշումն իրավախախտում կատարած անձի կողմից ստանալուց ոչ ուշ, քան տասնհինգ օրվա ընթացքում՝ կենտրոնական գանձապետարանի N 900015213110 հաշվեհամարին:

4. Սույն որոշումը կարող է բողոքարկվել վարչական կարգով՝ որոշումն ուժի մեջ մտնելուց հետո երեսուն օրվա ընթացքում, իսկ դատական կարգով՝ երկամսյա ժամկետում:

